

Nos utramq; hinc intellectam volumus secundum gl. ad d. § ac ibidem Myns. & Vult. n. 8. Diss. Ant. Math. sequutus Joh. Fabr. & Vigl. contendens, aliud esse, habere testamenti factionem, aliud verò, esse alicui cum aliquo testamenti factionem. Quia verò Imp. tantum eorum meminit cum quibus nobis testamenti factio est: inde colligit, non de iis hoc intelligendum esse, qui habent testamenti factionem passivam. Sed hæc subtilitas nullam necessitatem habet, cum impubes & prodigus propter hanc ipsam causam prohibeantur esse testes, quia licet passivam habeant testamenti factionem, nullam tamen activam ob defectum iudicij & voluntatis iustæ. Sanè hoc argumento ab activa testamenti factione sumto denegatur testimonium testamentarium prodigo in l. is cui lege 18. D. qui test. fac. Diss. aliter. Ferret ad d. § 6. & Giorn. in Inst. Anal. qui contra tantum activam intelligunt. (b) ob ætatis imperfectionem d. § 6. Inst. h. l. hæc consultissima 21. v. civibus Romanis puberibus omnibus C. de testam. (c) ob animi morbum d. § 6. l. 2. § furiosus D. de Jur. Codicill. l. qui testam. 20. §. 4. D. qui testam. fac. Ac hoc de iis accipiendum, qui actu furiosi vel dementes. Nam si dilucidis gaudeant sanitatis intervallis, medio isto tempore testes adhibiti inter prohibitorum numerum non recensentur, sed rectè adhibiti dicuntur, cum & testamentum eo tempore sibi facere possint § præterea 1. Inst. Quib. non est permiss. fac. test. Ac quam varie sint causa, variaq; furorum genera tradit Gædd. de contrah. stip. c. 7. concl. 9. (d) ille enim testimonium dicere non potest de eo quod actum est: hic verò idem non intelligere d. §. 6. Inst. h. juncta l. discretis 10. C. qui test. fac. poss. Diss. Reub. 1. de testib. n. 54. existimans 1. cessante hodiè prohibitionis ratione (secundum eum hæc est, quod testator solennibus conceptisq; verbis testes olim rogare consuevit; Uti illis tabulis cereave scriptum est; ita lego, ita testor: vos testimonium perhibe tote. Ulp. in fragm. t. 20; quia solennia verba in l. quoniam 15. C. de testam. censentur esse sublata) cessare etiam ipsam prohibitionem c. cum cessare X. de Appell. 2. Sufficit hodiè, modò testes sciant, se rei isti adhiberi. At ubi non voce sed præsentia opus est, mutus vel surdus rectè intervenit l. ubi non voce 124. D. de R. J. Sed religio mihi est à textu Juris aperto recedere, præsertim cum jamdudum tempore Justin. à foro solennis illa contestatio sive rogatio discessisset, neq; amplius in usu esset testamentum, quod fiebat per æs & libram; neq; tamen Justin. hanc